



## Tuhauajutiliqiyutit Ukiuqtaqtumi

**Tattiarnaqtuq 6-mi 2022-mi** kiguliuyuq tunihyaaqni uqauhiriyaaqnik qanuq ihuaqhivaaliriagani ikayuutit Ukiuqtaqtumi.

### Nainaariaqlugi

Naitumik uqauhiq Itqaijutinik Uqaqatiriigutinik qahaktuq ukunani ilagini uqauhiqni: Cree-titut, Chipewyan-tut itqilrit uqauhiinik, Inuktitut, inuinaqtulu.

### Pijutauniga uuma uqaqatiriigutit

Kanatamiut Nalautiliqiyit tv-niklu Tuhaumajutiliqiyit Kamisiuyuq (CRTC) tuharumayut iliknit kitunik upijutinik aturiaqaqtainik ihuaqhivaaliriagani tuhaumajutini ikayuutit nunagiyauyuni Ukiuqtaqtumi.

CRTC-kut ilautqiyut uqauhiqnik qaritaualiqiyutini hivayautinilu ikayuutinik Nunavumi, Nunatiimi, Yukon-mi, 17-ni nunagiyauyuni tunungani British Columbia-mi<sup>1</sup>. Fort Fitzgerald-milu, Alberta-mi.

### Hunanik tuhaqtaptiknik Havauhiq I-mit

Havauhiq I taja katimajutini ihumagiyaaqqtut agiklivaliayagani kagiqhimanik ihumagiyauyunik Ukiuqtaqtumi aktuqniqaqtunik Qaritaualiqijutini hivayautinilu ikayuutinik. Amigaitqiyat 250-nit ikayuqtiriit, Inuit, tuhaumajutiniklu ikayuutinik pipkaivaktut uqaqhimayut hunanik ihumagiyauyunik CRTC-kut hivuliqimik havaariyakharaluagani ihuaqhivaagani ihariagiyainik Inuit Ukiuqtatumi.

Havuaqhiq I-mi, CRTC-kut tuhaqtut ukuniga:

- Tamaita Kanatamiut pikaktukhaugaluit akituvalaagitunik atuqniqinik tuhaumajutini ikayuutinik, atulaqniqaniluq Qaritaualiqijutinik. Amigainiqhat upalugaiyautit Ukiuqtaqtumi havitivaktut pikutitaguvalaagitunik akiliqtuijutini maniknik, qaritaualiqijutiniluq, ihumagikpata hivuraaniit Inuit.
- Tuutqiknigit atuinariaqaqtulu ikayuutit ihuaqhivaaliktukhauyut Inuit Ukiuqtaqtumi pivagiagani ajikutainik hulijutinik (ila qungiarutilutik katimavagiagani) Inuit atuqpagainik hivuraani. Ihuaqhivaalinqniga tuutqiqhiniga atuinariaqaqniqalulu pijutauniaqmat inuknit Ukiuqtaqtumi ilauginikmi atugitaagani inuujuhiqmi manikhaqhiurutinilu atuqtukhanik.
- Inuit Ukiuqtaqtumi piyumayut amigaitqiyainik akitaqutautijutinik piyutaayunik Qaritaualiqijutimikni ikayuutinik. Qanuriniq Ukiuqtaqtumi akhuurutaayut

---

<sup>1</sup> Ukua ilagiyait nunagiyauyut ukiuqtaqtuani British Columbia-mi ilagiyauyut uvani uqaqatiriigutini: Blueberry-mi, Bob Quinn Lake-mi, Dease Lake-mi, Fort Nelson-mi, Fort Ware-mi (Kwadacha), Good Hope Lake-mi, Iskut-mi, Jade City-mi, Lower Post-mi, Mould Creek-mi, Muncho Lake-mi (Fireside-mi, Liard River-milu), Pink Mountain-mi, Prophet River-mi, Telegraph Creek-mi, Toad River-mi, Upper Halfway-mi, Wonowon-milu.

ikayuqturiagani akitaqutautiyunik ihuaqhivaalirutauniaqtut akituvalaaginiganik, atuinariaqaqnganik, tutqitiaqnginiklu ikayuutit.

- Ihuaqhautit ilituqhaktavut nakuutqiyamik pivagiagani ihariagiyainik Inuit Ukiuqtaqtumi ihumagiyauyukhat uqautaunigani haimaqpaliayutini Nunaqaqaqtunik Inukni.

CRTC-kut quyagiyait ukua ilauhimayut Havauhiq I-mi. Uqauhiriyatit qauyijutauniaqmata havaariyaptiknik atuqtilugu Havauhiq II-mi. Iitpaaliriaqni tuhaqtaptiknik, takujavat Tuhaqtaptiknik Havaami I-it uiguani aaliuyumi.

### **Qanuq ilauyaagani Havauhiq II-mi**

Pivikhaqaqtutit **Tattiarnaqtuq 6-mut 2022-mi** tuniyiyaaqni uqauhiriyaqnik qanuq ihuaqhivaaliriagani tuhaumajutini ikayuutunik Ukiuqtaqtumi.

CRTC-kut tuharumayut iliknit ukuniga kitunik ihuaqhautinik pijutauniaqngainik ihariagiyainik nunagiyauyunit Ukiuqtaqtumi.

Hunanik upijutunik CRTC-kut aturiaqaqat Qaritaulyaliqijutunik agilramilu hivayautini ikayuutunik:

- akituvalaaruriagani?
- atuqhimaaginariagani tuutqitqiyauliqlutiklu?
- akitaqutautivaalirutauyaagani?
- nakuutqiyamik ikayuriagani haimakpalianigit Nunaqaqaqtut Inuit?

Tunihilaqaqtutit ihuaqhaqhimayumik nutqaqtitijutikhaqnik ima:

- atuqlugu [nutqaqtitijutikhaqut titigaakhami](#);
- tuyuqluta kayumiktukut 819-994-0218-mi; uvaluniit
- titiraqvigiluta uvani CRTC-kut, Atuami, Ontario-mi K1A 0N2-mi.

Ayuqnaitqiyauyaagani uqauhiriyaaqni ihumagiyatit, CRTC-kut atuqtulu nutamik qaritauyakut ilaUVikhamik tungavianik. Pivikhaqaqtutit **Tattiarnaqtuq 6-mut 2022-mi** uqauhiriyaaqni ihumagiyatit uvuuna [ilaUVikhamik tungaviagut](#).

CRTC-kut inukniklu nalaktitinaiaqtut. Nalaktitivik katimaniq Inuit tuhaktitiyaagani ihumagiyamiknik uqauhiyuyunik tuhaqtitauyunik itqaijutimi uqaqatiriiknikut. CRTC-kut upautilutik nalaktitinaiaqut aulagtigiaqlutik uvani Qittiqaqtutijuuq **17-mi 2023-mi Kwanlin Dün Iitquhiliqivikmi Havakviuyumi, 1171 Front Street-mi Apqutani, Whitehorse-mi Yukon-mi**. Ayuqnainiaqtuqlu ikayuqtiriiktut ilauyaamikni ahiqpanit.

Pivikhaqaqtutit **Tattiarnaqtuq 6-mut 2022-mi** uniutiluga uqarumaniruvit Inuit nalaktitauviani. Itqainiaqtutit ukuaginait tunihiyut ihuaqhaqhimayumik nutqaqtitijutunik uvuuna nutqaqtitijutimik makpirakut, kayumiktukut, titiraqaqvikuluniiit tuukhilaqaqtut ilauyaamikni uqauhiqariamiknilu Inuit nalaktitauvani. Tuukhiruvit tuhaqvigiyauyaaqni, qauyipkajavaptigut ilauluarumaniruvit:

- agilrariyaqnit titiraqvikniluniit;
- Inuit nalakviluagani inigiyauyumi Whitehorse-mi; uvlaluniit
- CRTC-kut qilainaktukurutanik takuhauniganik inikhami Yalunaimi; Nunatiami; Iqalukni, Nunavumi; Gatineau-miluniit Quebec-mi.

Upautitutik Inuit inikhait aalagulaaqtut pijutauyunit Inuit aaniagitaagani ihuaqhautinit.

**Qanuq tuukhiriagani hivunihivaalirutikhanik qanuq ilauyaagani uvani katimaniqmi**

Uqakvigilaaqtaptigut titiqijutikut qaritauyami uvani [nord-north@crtc.gc.ca](mailto:nord-north@crtc.gc.ca)-mi hivayautikuluniit uvani **1-877-249-2782**.